

BASES DA CAMPAÑA

"A SEMANA DA NAI ESTRELA"

1) OBXECTO

A Asociación Centro Comercial Local Estrela de Marín, desenvolverá desde o 28 de abril ao 5 de maio, ambos inclusive, a promoción **"A Semana da Nai Estrela"**. Esta campaña pretende premiar a fidelidade dos clientes, transmitíndolle aos consumidores un atractivo promocional que incentive a realización das compras nos establecementos asociados, ofrecendo a posibilidade de acadar premios.

2) ÁMBITO DA PROMOCIÓN

Esta promoción terá o seu ámbito nos establecementos comerciais e demais empresas integradas na asociación.

3) PREMIOS:

Haberá 2 tarxetas regalo de 50€. Os gañadores disporán dun mes para canxear as tarxetas regalo nos establecementos correspondentes aos tickets de compra (por exemplo, se o ticket de compra da persoa gañadora corresponde a "Comercial Y", a tarxeta regalo consumirase no establecemento "Comercial Y")

4) DEREITO A PARTICIPAR E ACCESO Á PROMOCIÓN.

Trátase dunha promoción de balde dirixida aos clientes-consumidores das empresas asociadas participantes. Pode participar calquera

persoa física, maior de idade, que realice algunha compra ou servizo no comercio ou empresa asociada durante o período de vixencia da promoción (do 28 de abril ao 5 de maio de 2025).

Para participar, tan só haberá que cumprimentar o formulario de rexistro, que figura na web e subir o ticket de compra, cuxo importe non poderá ser inferior a 1€.

O mesmo cliente, tan só poderá acadar un premio como máximo.

Coa finalidade de que os comercios, se involucren no rexistro dos tickets de compra, non haberá un número máximo de premiados por establecemento. Deste xeito, cantos máis tickets se rexistren por parte dun establecemento, máis opcións existen de acadar premios.

O formulario, aparecerá na web www.estrelademarin.gal.

O sorteo realizarase o mércores 7 de maio, a través da web de sorteos easypromos. A citada web, seleccionará 2 gañadores e 4 suplentes (2 por premio).

A presente promoción farase con igualdade de oportunidades e con estricto respecto ás normas básicas da boa fe. Por ilo, calquera utilización abusiva ou fraudulenta destas bases dará lugar á conseguinte exclusión do participante na promoción.

Todos os datos introducidos polo participante deberán ser veraces. No suposto de que o participante cumprimentase o formulario con datos falsos ou utilizara de xeito inadecuado, non se terá en conta e quedará excluído da promoción e da posibilidade de optar a premio algún. Do mesmo xeito, aqueles rexistros pertencentes a tickets de compra de establecementos non asociados, non terán opción á participar no sorteo.

A constatación de calquera destas circunstancias suporá a descalificación automática do participante. No caso de constatar as citadas irregularidades con posterioridade á aceptación do premio, ESTRELA DE MARÍN, resérvase o dereito a exercer todas accións legais que lle asistan contra os infractores.

5) ENTREGA E ACEPTACIÓN DOS PREMIOS

ESTRELA DE MARÍN, porase en contacto cos gañadores das tarxetas regalo nos números de teléfono facilitados no rexistro, durante a xornada do mércores 7 de maio.

Para ilo realizaranse dous intentos de comunicación telefónica, durante ese día. Unha vez contactado, o gañador deberá confirmar a súa aceptación do premio. No suposto de que o gañador non aceptara o premio nas condicións e prazos establecidos ou non puidera ser localizado mediante os datos facilitados, pasarase a identificar aos suplentes por orden, seguindo idéntico proceso. De resultar infructuoso o intento, o premio quedará deserto.

Ningún dos premios da presente promoción poderá ser obxecto de cambio, alteración, compensación ou cesión a petición dos gañadores.

Os gañadores terán que recoller os premios, nos actos que se levarán a cabo os días que determine a asociación, nos lugares onde determine a asociación e deberán vir provistos dalgún documento identificativo (DNI, Carnet de conducir...). No caso de non poder asistir a dita entrega, poderán delegar noutra persoa sempre e cando esta acuda co citado documento acreditativo da persoa gañadora do premio.

No caso de non acudir ao acto de entrega de premios, entenderase que renuncia ao mesmo.

6) LIMITACIÓNS PARA PARTICIPAR

ESTRELA DE MARÍN resérvase o dereito, se concurre causa xusta e previa comunicación de xeito legal, a efectuar calquera cambio, suspender ou ampliar esta promoción. A simple participación implica a aceptación destas Bases na súa totalidade, polo que a manifestación, no sentido da non aceptación das mesmas, implicará a exclusión do participante e, como consecuencia, ESTRELA DE MARÍN, quedará liberada do cumprimento da obriga contraída con dito participante.

Así mesmo, os participantes comprométense a admitir a decisión interpretativa que ESTRELA DE MARÍN poida darle sobre as presentes bases ou sobre calquera cuestión derivada da promoción contemplada nestas.

Así mesmo, se a persoa que figura no boleto gañador fose un menor, poderá representalo os seus país ou titores legais.

7) EXONERACIÓN DE RESPONSABILIDADES

- ESTRELA DE MARÍN non se responsabiliza do uso que do premio realice o agraciado e non será responsable dos servizos nin produtos que terceiras empresas deban prestar con motivo do premio desta promoción.
- ESTRELA DE MARÍN non será responsable si ao tratar de contactar co teléfono do gañador ou o seu correo electrónico están fóra de servizo ou non o reciben axeitadamente.

8) DEREITOS E DEBERES DE PARTICIPANTES E GAÑADORES. REPERCUSIÓN FISCAL

ESTRELA DE MARÍN non se fará cargo dos impostos derivados da entrega dos premios, salvo aqueles que por lei lle correspondan satisfacer, e, no seu caso, practicará o ingreso a conta ou a retención que poida corresponderlle en virtude da lexislación aplicable.

- De conformidade coa normativa do IRPF os premios desta promoción estarán suxeitos á normativa fiscal en vigor en cada momento, actualmente a Lei35/2006, de 28 de novembro do IRPF e o Real Decreto 439/2007, de 30 de marzo polo que se aproba o Regulamento do IRPF.

Neste marco legal, establécese que os premios derivados da participación en xogos, concursos, rifas, ou combinacións ao azar vencelladas á venda e promoción de bens e servizos están suxeitos ao ingreso a conta sempre e cando a base de retención ou ingreso á conta do premio sexa superior a 300€.

- ESTRELA DE MARÍN queda relevado de calquera responsabilidade relativa ás obrigas fiscais que para o agraciado puideran derivarse da obtención do premio.

TRATAMENTO DOS DATOS DE CARÁCTER PERSOAL

A efectos de dar cumprimento ao REGULAMENTO (UE) 2016/679RGPD, informa de que os datos proporcionados polos **participantes** na campaña poderán ser incorporados a un ficheiro automatizado, denominado PROMOCIONES CAMPANAS Y SORTEOS responsabilidade da entidade, coa finalidade de xestionar a súa participación na presente promoción así como poder informarle por calquera medio sobre produtos, promocións ou servizos, así como para o uso interno dos mesmos e o envío de comunicación relativos aos aspectos anteriores.

Os participantes poderán exercer os dereitos de acceso, rectificación, supresión, portabilidade, limitación ou oposición, revocación do consentemento prestado así como reclamar ante AEPD. ESTRELA DE MARÍN adoptará as medidas técnicas e organizativas necesarias para garantir a seguridade e integridade dos datos, así como para evitar a súa alteración, perda, tratamento ou acceso non autorizado.

CESIÓN DE DEREITOS DE IMAXE

Os gañadores desta promoción autorizan a ESTRELA DE MARÍN a reproducir, utilizar e difundir o seu nome, apelidos, idade e imaxe en calquera actividade publicitaria e/ou promocional que esté relacionada con esta promoción, todo elo en calquera medio e sen que ditas actividades lles confira dereito de remuneración ou beneficio algún coa excepción feita da entrega do premio gañado conforme a estas bases. A cesión inclúe todos os dereitos de reprodución, transformación, distribución e comunicación pública da grabación ou imaxes captadas, sen limitación de tempo nin territorio.

9) ACEPTACIÓN DAS BASES

A participación na presente promoción supón a aceptación integra das presentes bases e a sumisión expresa das decisións interpretativas que das mesmas efectúe ESTRELA DE MARÍN. No caso de diverxencia entre os participantes na promoción e a interpretación das presentes bases por ESTRELA DE MARÍN, serán competentes para coñecer dos litixios que poidan plantexarse os Xulgados e Tribunais de Marín, renunciando expresamente os participantes desta promoción ao seu propio fuero, de resultar distinto ao aquí pactado.

En Marín a 7 de abril de 2025